

宋诗纪事

宋詩紀事

宋詩紀事卷四十九

錢唐 厲鶚 緝

錢唐 金肇鐸 勘定

林季仲

季仲字懿成永嘉人南渡時太常少卿守婺州

送會稽虞仲琳

虞頗通性理之學

男兒何苦弊羣書學到根源物物無曾子當年多一唯顏
淵終日只如愚水流萬折心無競月落千山影自孤執手
沙頭休話別與君元不隔江湖

題赤松山皇初平祠

路轉溪回草木香有人荷笠山之陽定知我是金華守笑

道牧民如牧羊

羽仗霓旌去不還空餘水落人閒至今山下無苦旱便

是田家九轉丹

以上庚溪詩話

劉無降

遊秀峯寺

曉乘輕舸出江城晚上籃輿卻倦行盡日松風響巖谷小

窗聽作亂泉聲

吳郡志

聞人武子

武子紹興閒人張綱有聞人武子改官制

墨梅

隴首人歸信息稀愁看冰楮破寒枝瑤姬駐立緣何事直

到霜飛月墮時

聲畫集

王鎬

鎬字從周永嘉人仕至忠州守

移竹後雨

洗紅窈窕烏蘆雨落紫颼颼阜角風挂起北窗聊問訊新

移來竹定惺鬆

詩人玉屑

句

髮爽帶風梳齒疎和月漱

早行

未知真是岳祇見半爲雲

望岳

避喧那厭雨宜睡不思茶

觀橋樓

雲學催詩黑風仍作誦清

將雨

凍雪寒梅雙蠟展澄江明月一竿絲

紹師覓詩

催租例擾潘

邠老付麥誰憐石曼卿

送潘文叔

山色兩閒供步障松陰半畝

當郵亭

出春陵

籍通上界神仙府身見甘泉侍從臣

上何尚書以上娛書堂

詩話

葉采

采字仲圭號平巖

書事

雙雙瓦雀行書案點點楊花入硯池閑坐小窗讀周易不

知春去已多時

濂洛風雅

陳光道

光道字不矜南城人

王夢中贈神女蔡箏娘

十首存四

長恐凡材不合仙喜逢神女熟因緣雲中隱隱開金鎖路

入麻姑小有天

海石榴花映綺窗
碧芙蓉朶亞銀塘
青鸞不舞蒼虬臥
滿院春風白日長

老聃西逝卽浮屠
莫怪窗閒貝葉書
長晒楊妃仙格劣
卻教鸚鵡誦真如

玉女倚天多喜笑
素娥如月與精神
假饒不許長年住
猶勝人間不遇人

夷堅志

劉士季

次韻何漕司小紅翠亭

少陵遺蹟灤西東
端的高齋在此中
今日花枝弄烟雨
前

時蔬甲臥霜風

自注此地舊爲蔬畦

根株移取他山翠
跼萼輸來別

全蜀藝文志
圖紅收拾陽春無盡藏夔人端說兩詩翁

劉王孟

題呂先生畫像

短褐長條大布巾雲霞嚙嗽九天春可憐世上屠沽子與
作尋常賣墨人

聲畫集

曾揆

揆字舜卿南豐人

題資福院平綠軒

終日勤勞雁鷺行偶然來訪贊公房扶疎草木四圍合
繞溪流一帶長倚檻豈能成傑句把杯多是說名方
乞取安心法宴坐蒲團對佛香

至元嘉禾志

林 歆

吳中寒食

寒食家家蹋曉晴好風吹我出重城幾灣野水迎人白數
點家山刮眼明已有鴿原聯乘樂何須鷁尾並橈行山前
父老應相笑爲我頻來學送迎

吳郡志

朱明之

崑山慧聚寺

并序

離常熟至崑山泊慧聚寺而詩情尤壯復爲二章附于
五題蓋山雞自愛其尾亦欲以多爲貴也

古寺有遠名欲遊先夢生飛猿磴底嘯靈鳥雲閒鳴影密
樓臺衆香繁草樹榮何年照佛火燦燦長光明

石林高月生
蘇閣疎磬鳴
宿鳥夢難就
定僧魂更清
香風動花影
巖瀑飛玉聲
遙夜坐來短
但餘天外情

吳郡志

胡循

滄浪亭

竄逐本無罪
羈窮向此忘
野烟含悵望
落日滿滄浪
亂草荒來綠
幽蘭死亦香
楚些招不得
秋水似瀟湘

吳郡志滄浪亭在郡學之南積水彌數十畝旁有小山高下曲折與水相
縈帶錢氏時廣陵王元璩池館或云近戚中吳軍節度使孫承祐所作慶
歷閒蘇舜欽子美得之作亭曰滄浪云

毛开

开字平仲三衢人友之子仕止宛陵東陽二州倅

有樵隱集

泊釣臺

洲渚寒雲薄暮天蕭蕭燈火落帆邊巖陵灘下孤舟遠一

夜歸心聽雨眠

釣臺集

蔡雋

題汀州蒼玉洞

向來曾醉呼猿洞亂石崩雲擁坐隅誰料七閩煙瘴底半

巖風物似西湖

錦繡萬花谷

鄭子覃

題茗溪道觀壁

紛紛紅雨入蒼苔密蔭新成鶯友來擬逐幽人夢蓬島一

聲裂竹故驚回

茗溪漁隱叢話

周仲卿

月泉

石罅玉爲髓月梭金作梭蒼苔誰鑿破白雪自堅凝穿豈
太山霤清于萬壑冰此中無六月門外氣如蒸

湖州府志月泉在德清縣慈相寺出石罅閒形如半月呂東萊疏云斷崖吐月纔出半規古墊涵星尚懷全璧久矣寶險之廢時哉玉斧之修護此清寒祓其氛翳名高詩社再傳和仲之符價重帝城復值文饒之運周仲卿有詩

王 審

審字德升新淦人困蹟場屋入玉笥山依道士潘
與齡獨居白雲齋十餘年卒

罅山道中

濺石韻寒泉依稀言語處回頭覺無人又上前溪去

山樵

山樵竹裏居，畧徇纔堪度。落日淡平疇，牛羊點寒暮。

獨醒雜志語意蕭散非遠外聲利者不能也

許志仁

志仁字信叔

寄衣曲

金山寺題

貂裘雖云溫，非妾手中迹。唯此萬里衣，一鍼三歎息。歎息恐人聞，縫時常避人。開緘勿嫌澁，中有雙淚痕。江南十月雁初飛，邊地纔秋塞。草衰衣成妾手君寧見，寒到君邊妾自知。寄書問征夫，好在何當還。西風吹妾夢，夜度魯陽關。

和姚令威春晚卽事

臥看遊絲媚遠天起尋幽徑卻茫然句成落絮飛花裏心
在殘霞夕照邊無復雙魚傳尺素空餘寶瑟思華年年來
情味人應笑白首傷春祇醉眠

以上前賢小集拾遺

俞 似

似官廣州鈴轄

題英州金山寺壁

轉食膠膠擾擾閒林泉高步未容攀興來尚有平生履管
領東南到處山

容齋隨筆似妻趙夫人親書此詩于寺壁字畫徑四寸道健類薛稷

山王 度

度字武臣豫章新吳人

句

雲生坐來石風掩讀殘書
危紅賒晚景漲綠上平沙

鴉分供餘食鵲亂著殘基
樵斧和雲斫漁蓑帶雪披

娛書堂詩話王武臣吟詩有警句皆清奇可誦張紫微謝良齋極稱賞之

王棻漪

梅

不受塵埃半點侵竹籬茅舍自甘心
祇因誤識林和靖惹

得詩人說到今

西溪叢話

李樸

樸字德邵廣陵人

端硯

巖石凝清粹端然絕世珍聲清輕楚玉色潤勝燕珉

硯箋

李似權

記夢

碧玉山頭碧玉泉琮琤聲裏數流年不知曾與何人到笑
想丹題似昔緣
石壁蒼苔露未乾小池射日石團團弄泉漱玉歸何暮風
捲橫雲細細看

能改齋漫錄

俞疇

俞公疇字叔惠南渡初人

雲步跋山谷書范滂傳帖

貂璫羣雛擅天網手驅名流入鈎黨屯雲蔽日日光無

金神器春冰上汝南節士居危邦志剗蕭艾扶蘭芳致君
生不逮堯舜死合夷齊俱首陽千年興壞真暮旦殷鑒詎
應如許遠安知後人哀後人又起諸賢落南歎宜州老子
筆有神蟬蛻顏楊端逼真少模龍爪已名世晚用雞毛亦
絕人平生孟博吾尚友時事駸駸建寧舊胸蟠萬卷老蠻
鄉獨感斯文聊運肘老子書名橫九州一紙千金不當醺
此書豈但翰墨設心事恨恨關百憂人言老子味禪悅疾
惡視滂寧爾切須知許國本精忠不幸爲滂甘伏節九原
莫作令人悲遺墨敗素皆吾師從君乞取宜州字要對崇
寧黨籍碑

程史

柴中守

谷書